



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 七〇

聰山集十一卷（詩選八卷文集三卷）附錄二卷（年譜傳誌一卷鄉賢錄一卷）

荊園小語一卷荊園進語一卷 申涵光撰

一

東江集鈔九卷附錄一卷東江別集五卷 沈謙撰

一七九

堪齋詩存八卷 顧大申撰

三一九

魏伯子文集十卷首一卷 魏際瑞撰

三九七

劉雲麓論定

申鳧盟詩選

渾脫居藏板

序

曩居里閭同人中所遊從最密者無如
申子鳧盟鳧盟家郡城距子邑僅一舍
而近過郡城未始不訪鳧盟鳧盟至敝
邑亦如之鳧盟遇客真至不爲周旋迎
勞之煩落落之性頗與予合及把袂聯
吟則喜笑淋漓至晨夕而不倦予未幾
駕下見鳧盟之振筆風生吐言天拔衆
始不見獵心喜願附敦盤之末焉及予
猥辭林壑浪走風塵五斗折腰意興都
盡而鳧盟耽情幽勝左顧漳流之繁帶
右眺西巖之嵯峨青尊日開芒鞋無恙

聰山集

劉序

時而驅車燕市擊筑狂呼不減荆蒿之
逸興而登泰岱臨黃河陟銅雀之荒基
窺井陘之險隘神智聿開金石互發詩
歌道邁則元龍爲湖海之豪燕公得江
山之助鳧盟端不愧之乃千里外獨時
時以書問及予今春以聽山詩見郵並

聽山集

劉序

二

屬論次夫子則安能論次鳧盟之詩哉
鳧盟起河北好學深思所作詩歌震厲
矯逸未嘗求名當世而合南北之薦紳
先生與詞壇之耆英碩彥讀鳧盟詩無
有不歛衽讚述願拜下風者嗟乎孔璋
有易爲雄霸之談孝穆有韓陵片石之

歎以今較昔正恐顏陸沈任遜席不遑
安能小視河朔而謂鷹揚虎視遂鮮其
儔也耶鳧盟詩向刻之雲陽載歸草堂
北風爲崇板皆寸裂予恐其行世之未
廣也因爲鳩工重梓兼附評跋夫鳧盟
詩傳矣而予之評跋不旣多事乎哉

聽山集

劉序

三

康熙癸卯季夏曲周同學弟劉佑雲麓
氏拜書於海陵之芙蓉清署



序

余嘗歎世之人爲詩者每較量於聲音字句之間而不深攷其義蘊之所存是以互相訾議而卒未有定夫尼父之論詩僅之興觀羣怨而本之事父事君以旁及夫鳥獸草木夫言詩至尼父則亦可止矣乃世之學者不深原夫性情風教之際而徒彈射夫歷下竟陵追逐夫華亭婁上庸知爲大雅之所斥而不見收也哉予十五遊吳會稱詩於西郊諸子間繼而浪跡依人轉徙於燕趙齊豫楚粵之交嘗徧識天下之詩人以求所

聰山集

鄧序

一

合於尼父論詩之旨者而卒不多見迨

交廣平申子觀仲而乃得縱觀鳧盟之詩鳧盟之詩非今人之所謂詩也邇源於樂府取法於少陵而溫柔敦厚二皆秉夫三百之遺意故其指敘蒼涼小雅之諷諫也哀樂中情國風之贈答也稱引先世蓼莪之微情也顧瞻宮闕率土之深感也以至零篇雜著莫不討核源流兼通謠俗鳧盟之詩詎不岸然爲雄於當代哉乃鳧盟不以予爲謏劣眷惠特深辛丑劉子玉少自燕京歸述鳧盟殷勤至意且索予全詩甚急今春劉使

聰山集

鄧序

二

君雲麓出一函見授則鳧盟所寄兼屬
予訂其聽山詩集者夫子生淮南鳧盟
生河北地方相距二千五百里乃鳧盟於予
獨愛慕讚述有若同堂兄弟講業論志
而晨夕不離者此亦足以見鳧盟知人
取友伐木和平之誼而非若世之恃才

聽山集

鄧序

三

凌忽馳逐聲名以求一時之快意考矣
今天下之詩莫盛於河朔而鳧盟以布
衣爲之長其所交如殷子伯巖張子覆
輿劉子津逮皆負卓犖之才堪與古人
相上下而征車所至公卿大夫能文章
篤聲氣者皆願交鳧盟以求縞紵之合

然鳧盟業日上道日隆而氣益謙下必
欲屢進愈臻以祈無負夫尼父論詩之
旨而大翊乎性情風教之際則鳧盟之
所造寧有量與鳧盟之詩嚮賀宣三爲
丹陽令曾刻之江南今雲麓使君又爲
詳加評跋授之剞劂而路子蘓生語予

聽山集

鄧序

四

則曰鳧盟笥中詩甚多高邁絕倫類不
肯令世人見然則鳧盟之不可盡有如
是夫

康熙癸卯季夏二日南陽同學弟鄧漢

儀題於虎靜菴



序

往予承乏河朔卽聞洛滏間有鳧盟申
君爲鷄林祭酒云繼入筦部鳧盟以其
尊甫端愍公死國難卹典未舉徒步走春
明徉狂痛哭一日而名動公卿題奇章
之扉者無虛晷而予偏交臂失之又數

序

年難弟隨叔先生取兩第視草承明仲
亦繼領鄉解大振

端愍之緒而鳧盟獨閉戶著書岸然不捉
東山之鼻予又未嘗不聞其風而高之
歲乙卯始由三衢量移茲土乃得造廬
請見歡若平生顧鳧盟性簡遠往往如

序

季陵却掃經年足不及公府惟喜賦詩
以予粗解四聲謬引同調時時惠我大
篇予因搜累年小製屬其品隲甫竣而
鳧盟遽卒不禁山陽之痛焉無何內翰
公旣爲行述復裒其軼事編年以志不
朽索予言弁其端予受而讀之其言質

二

其紀事詳自髫齒以及考終六十年間
無不心憶而手追具得其鬚眉笑語子
敬人琴爲不亡矣鳧盟心存忠孝慷慨
尚氣節不爲依阿脂韋之行矯矯冥鴻
之外能使賢宰執憐才腐牘而終不忍
以其名應蒲輪晚遊百泉得孫徵君理

學之秘詣益超超元著此其大者而世
但以詩人目之非知鳧盟者矣予不文
不能如中郎之碑有道義交數言聊識
知音之感與內翰公孝友之情其又奚
辭焉

高郵沈奕琛拜手

序

三



申鳧盟詩舊序

余聞申子鳧盟有年矣未及一握手也數過猶龍案
頭得讀鳧盟詩數篇爲之擊節猶龍曰是未足盡之
也曩者天運板蕩汾沔橫流余與鳧盟及殷子伯巖
誅茅廣羊之間登高長嘯時人莫測儼然杜陵野老
與高李二子氣酣吹臺時也今余珥筆秘省而鳧盟
方閉戶者書不問人間事吾不能測其學之所涯際
矣余又不禁心折癸巳夏大雨數旬燕趙皆爲澤國
申子重趺千里訪余燕邸劇譚今昔得以聞所未聞
聽山集 序 一
余旣晤鳧盟乃知詩如其人而詩又不足以盡其人
蓋其所蓄者大所養者沉非僅僅一泉石膏肓之士
也已盡出其詩命余讀之則皆直抒天真不受羈縛
源靜之氣拂拂于筆楮外蓋自成一家言已嗟乎言
詩於今日豈不難哉優孟衣冠萬耳一聵歷下景陵
勃谿紛呶誰能去組織雕績之習洗摹擬煩碎之陋
以尊其性情於風雅者今鳧盟之性情與人遠矣而
其才與學又足以濟之高風遠韻奇心霞末雖近于
陶靖節孟襄陽一流假使據六韜藉以應朝廟燕享

征伐禮樂之制其裔皇麟炳中彪外小儒驚佈作
舌又不知當何如雖然見盟獨以詩名乎哉自其先
節愍公抗節殉難志華日月是盟至性過人十年以
來憔悴之色猶見於眉宇忠孝萃於一家篇什其緒
餘耳大陸多欽崎歷落之人然如申子之人與申子
之詩者其爲可傳無疑也乃爲之叙而付之梓

上軒

順治癸巳仲秋社弟栢鄉魏裔介謹題於燕邸之霞

聰山集

序

五

舊序

今之言詩者言其時代與聲律而已未嘗深考古人
之所存古人之所存大抵皆忠臣孝子之極思託旨
微深雖三百篇未必皆陟屺盡瘁之言而瞻慕之意
觸類與感無不與忠孝相通孔子不云乎邇之事父
遠之事君詩未有不原本忠孝而能達情飾性者也
予友申是盟蓋深于詩人之旨者當其遭時變革節
愍公致命止水是盟奔竄間關歷徐兗涉江淮哀號
南土求所爲傳節愍公之事者旋復流離澤畔蘆中

聰山集

序

一

風號濤聲月苦窮墨悲惻之音若有痛攀髯屬轂之
不逮者矣旣而歸故里捐塵務遇物寄慨托棕懇惻
風雨流連無不足以涕淚千古嗚呼其于詩人忠孝
之意抑何深也至其諧聲中律彬彬乎古人之遺若
以時代擬之當不在建安大曆下矣古燕社弟王崇
簡題

舊序

申子詩刻成過予問序予喀然良久蓋自諱有不宜
序申子詩者人惟知者能言雖卅年此道所履迷槩
諒無玄解一也任質之過小集不請弁顧玄晏自爲
二也生平論詩最久而合者莫如戴子道默戴徵言
微如雨竟未酬一字今日易面序申子詩三也雖然
性僻寡諧不獲多見今人詩不能不多見古人詩卽
古人中如之數不能半其吐匠意特倚天而壁迴燈
自見影輒與笑言以詩窮以詩孤命也有性焉然則
聽山集
序
夫夫也豈能啁啾而燕語以當申子哉夫紅似
背太行之腹勢立天下顛無與京者且玉筐之鸞寶
聲非音申子忠孝文明吾見操離塵之響以合希聲
奚但畫手看前輩也詩卽小伎人未易材戴子之神
簡申子之格韵幸與同時皆褒然可傳于後世駭且
疑者勿與譚松老石斑必有實予言者淪水范士概
題

聽山詩選目錄

- | | |
|-----|-----|
| 卷之一 | 五言古 |
| 卷之二 | 七言古 |
| 卷之三 | 五言律 |
| 卷之四 | 五言排 |
| 卷之五 | 七言律 |
| 卷之六 | 五言絕 |
| 卷之七 | 六言絕 |
| 卷之八 | 七言絕 |

聽山集

目錄

弟

稻煜觀仲
稻盼隨叔

訂次

聽山集卷之一

廣平 申涵光臯盟 著

曲周 劉 佑雲鸞 選

五言古

歲晏

束髮未更事姓名慚不張
遠游就賢達斯道相扶將
但挹椒蘭馨不虞荆棘傷
揚眉閱時輩一息過八荒
登高望古人顧影恒悲涼
毀譽互因依崎嶇變否臧
中宵起長歎欲晦迺無方
美彼沈冥徒空外恣翱翔

聽山集

卷之一 五言古

其二

歲晏百物息草木隨風沙
松栢慘不舒况彼園中花
層陰晝蕭條微霰時復加
林中常鳴孤屋上常鳴鴉
豈不思遠遊負手還咨嗟
陽氣動飛灰枯荻漸萌芽
巖威蘊華滋深藏古所嘉

其三

東隣富珠玉華屋習常樂
西隣獨不完絃歌無冬春
人生各有適苦樂豈關身
詩書敦古懷山川多嘉辰
酒良亦娛况遇同心人
寄語結駟客莫憐原憲貧

其四

臥龍耕南陽抱器良自知
管樂豈其儔擬之反見嗤
衆人貴目前至德深難窺
鷹揚如未遇持竿空爾爲

其五

爰居客魯門置身自非地
四顧無儔侶安得常如意
素裳易成汚志士行多議
摧心幕同座此態難爲視

其六

聞管高隱流賣漿與賣卜
旣以韜其光又以供口腹
鬪鬪競刀錐疾毒生梁肉
仰愧樓風蟬俯美悅草鹿

聽山集

卷之一 五言古

二

四體墮不施于何望
麥菽早稅安難豚
鞠躬謝多福

春風披草青戴雨牧黃犢

其七

少年矜意氣抵掌灑肺肝
樽中酒尚溫談笑生波瀾
但念今時非不言昔時
驢歌難爲春罪誤誠多端

昔當貧賤中努力同艱難

其八

拂纓著明信結交盡豪能
戎衣調皇甫折東招李膺
長嘯望天關頗爲時所矜
良會倏雨散車馬隨奔崩

視顏鬚寒谷寸心無所憑冥鴻負青雲稻粱多繳繯
發我白玉杯解我朱絲繩期難再覓山水誰復稱

其九

陶公忠義士練氣如幽蘭睥睨觀古今豈在辭一官
投義感三良乞食愧非韓乃知飲酒人中心多苦酸

其十

荆吳隔大江風濤不可涉短衣凌荒岑挂槩撥寒月
玄雲閉河梁故人書久絕自招誰家兒輕揚弄綺陌
投我蛺蝶羅繫以雙玉玦我畏不敢過中途自改轍

惠山集

卷之一 五言古

三

弱草披澗陰梧桐峙高關本非同根生榮瘁應齊凋

其十一

驅馬藁臺下暮宿汴水濱平原一以沒將謁信陵君
信陵昔好士曳履盛如雲敝衣抗華筵屠門著殷勤
降氣若無骨勇畧摧秦軍汴水日夜流冠蓋成古墳
不信貴公子乃如史所云

其十二

侵霜起結束驅車適殊方親故各依依置酒大道旁
驅歌咽未終欲行復旁皇頻年道路間作客心久傷

江湖橫白波山徑頽羊腸人情惡衰歇厚顏徒蒼黃
關塞蕭以寒雨雪霑衣裳將車摧折之棄擲大道傍
田園聊足安骨肉永相將

其十三

我有太阿劍寶氣常干霄飾以藍田玉淬以鸛鵒膏
出入常相隨有如貧賤交時平適不用共棄荒山郊
田父顧之笑欲刈蕭與蒿

其十四

盛名難久居直木誠易傷試觀繞指柔豈盡常悅康

惠山集

卷之一 五言古

四

乘威自啖食華靡擬未央白日照中天林葉難爲霜
岐路各踟躕君子務謙光

其十五

良玉焚不摧至音咻不亂便便逐世心倏忽千萬變
得志易爲好貧老還自賤緯絡床下鳴鴻雁東南飛
四時乘元化物性知所歸君行萬里道取別何草草
無俟歸來遲一日紅顏老

其十六

趨庭儼昨日淑慎戒威儀任質衝橫波中路多乖違

種我還成蕭種豆還成其疎亢生齟齬此病先知之
知之竟不移白髮空苦悲孤影望高天黽勉循良規
其十七

亭亭西山雲萬仞青芙蓉下臨不測淵上有太古松
松頂巢黃鶴淵中藏蛟龍蹠屐披雲根亂石翳蒼茸
隔溪三五人濯足吟疎風白髮好容顏無乃商山翁
漢庭亦已出書幣凋淳蒙真隱自草木豈食世上功
落日凌紫煙揮手吾焉從

與張逸人覆輿

聰山集

卷之一 五言古

五

仲冬天日短北風吹凍澤汝從山中來示我山中作
窮居增道氣白雲欣有托茲晨奉母還石峻破凶屬
登頓發奇懷孤煙咲白鶴新詩書滿紙紙盡還再索
平生鬱幽憤須臾心膽廓忽如高堂上蕭然見雲壑
又如百尺松陰岩風落落我行天下久粗能辨好惡
大復與空同文章備矩矱其餘多瑣細真詩久寂寞
鄙夫常黽勉惜哉才力薄汝有出世姿至誠敦古學
勿以老自衰古人事如昨

夜坐

聰山集

積雨晦深巷高梧滴清響浩然天地間秋風生餘想
夙宿寡疑慮萬事如在掌多難志氣衰歲月空俯仰
含辛對落葉朋遊半宿莽常愧古人言識道年已長
出門望四方道路多迴颺白雁叫霜空孤燈照書幌

自采石避兵暮泊潯港

江岸鐘已發江心昏未霽篙師起掛帆笑指北風利
琴書雜僮僕舟小無餘地北人習鞍馬江行每憂悸
竊怪舟人子往來如兒戲南來有客船倉皇說趨避
前途列戰旌江邊亂鉞騎舟人默不語收帆色慘悴

聰山集

卷之一 五言古

六

數里潯港隈黃昏就幽遠細雨濕帆檣遙愛燈火處
古人迷軒冕江湖饒暇豫世亂無水陸鷗鳥驚旂靡
江南山水好我來與亂會哀哉同苦辛有酒酬君醉
送趙秋水入都

秋城雨方歇匹馬凌輕陰夕陰道路清無乃泥潦深
人生感意氣殺身爲知音曉渡滸沱月醉臥蘆花磯
北行近霜露况汝薄衣衾沙吹白雁哀遊子難爲心
吾弟潯京師異方成招尋冠蓋多風波相將返故林

雪霽後東杜表姪同德

雲開積晦後日色浮空藹簷溜鳴石堦天晴翻假蓋
青泥陷高屐巷隔無由會潸然撫朱絃寒鴉鳴樹外

淹留

淹留慙僅僕窮途久依倚苦樂豈能均人事聽原委
性僻耻雷同百折心未死我有親在堂我有田在里
清白舊家道艱難渡江水寇蓋接長干山寺守糠粃
汝各有妻孥悵汝良自耻海沸困魚龍中原方戰壘
饑凍寒渠路幾人擁華綺開門雪滿山人煙萬竹裏
左右列琴書所奉亦已侈逆寇就殄滅否極生治理

聊山集

卷之一 五言古

七

汝歸應有時寧遂久羈此說罷兩淒然門外霜風起
寓金陵簡諸知己

去家日已久天寒益顚顚聊山寺俯諸峯竹陰得清寄
故人知我來凌霜枉高轡劇談見古人心膽藏無地
今人喜梁肉鬼神護權利士貧寔可醜胡以當君意
折東張夜筵燈下盤飧餽子貧與我同乃能致兼味
頗熱聽高歌歌終帶涕泗四海尚甲兵菰蘆有君輩
時危耐曲折我拙非其類

懷路氏妹避亂江南

大江渺無極有埽隔絕久豺狼滿道塗衙門但株守
四年闕會而憂來淚盈斗憶昔避亂初蒼茫舉家走
爾寔難爲別纔爲兩月婦地坼良木摧變生別離後
我父競臣節嗟哉萬古壽賊帥索金珠衣冠困枷杻
脫身來江皋痛哭吳山口相見如夢中驚魂暫聚首
輦金視權要進用難狼狽吁嗟咸陽焚胭脂井重圯
徒步返故山荷鋤事南畝雖因母在堂偷生愧顏厚
汝浮炎海濱家園空戶牖淮北長蒿蓬兵戈亂江右
估客項南行寄書知達否風波萬里外天命復誰咎

聊山集

卷之一 五言古

八

不敢常酸辛強笑慰慈母

看東郭水閣新成

北風天地間積陰亂昏曉東臬散游目今晨天氣好
出城林葉盡饑鳥啄枯草道傍百尺樓丹甍臨碧沼
水光動遙岸沙際行人小夙嫌邑里窄登樓心浩浩
此地七月中窮家墻屋側壯觀移眼前無乃鬼神造
重門間華棟朱闌復繚繞門前繫書船門內懸飛旄
中心慘不樂歸途色枯稿欲言尋復吞行人滿大道

憶山居

世態今如此人生亦何慕
嚴風怒草木春到南郊樹
步屨入平沙鳬鷺眩屢顧
忽見西山來微茫隔煙霧
宿昔避世心浮雲展幽素
朝看漁樵行暮隨猿鳥羣
道力若未堅人羣被羈住
遙指斷山口知是草堂路
舉世喜多端朱門無緩步
我性實疎頑常恐世人怒
耕種難後時清溪淺可渡
山鳥待歸人百年亦朝露

詠古

我聞燕山側背有黃金臺
千金買馬骨遂有壯士來
壯士不爲金感君重士心
君王不愛馬馬歎鹽車下

聊山集

卷之一 五言古

九

威會成風雲勲名難俱偶
昔在泥塗中枵然窮谷叟
我來屬時危荒臺跡已沒
昭王不可求坐看燕市月

鳥喻

二麥收向畢餘粒散空塲
遂有羣鳥至早起亂晨光
驚去忽復來鳴啄如奔狂
微利繫鳥心青雲難高翔
兒童設機智聚米伏不良
貪食被羈住兩翼空開張
驚置稻田中欲以臂鳩鷁
鳥顧不敢下亦恐被殺傷
嗟哉利名人終日何皇皇
試看蹈危者所謀豈不滅

客約

昔賢務良覲取足舒懷抱
庶幾無饑渴晨夕終晏好
俗薄古誼衰飲食恣探討
八珍羅羣動血肉何紛擾
本爲口腹權敗生逆玄造
當筵不下箸路傍有遺殍
十萬何曾錢所營止一飽
盤食雜滿案厭去苦不早
磬折酒肉間安得成傾倒
紫陽脫粟飯實望井草草
天道惡奢盈任真以自保

雪

臥覺布被冷饑鳥叫我宅
兒童掃雪還牀前列雙屐
朔風天地凍鳥獸亦辟易
我無世故櫻高臥復誰責

聊山集

卷之一 五言古

十

有酒佐讀書在家耐喧迫
向午日復光起看林樹白
雪中送酒與張覆與

斟酌對曉雪忽念林下翁
郊扉凍難開曠野多凄風
古屋爨煙黑妻孥在其中
老性厭紛紜孤吟誰與同
茅齋近寒水左右亂枯蓬
饑鴻晝夜啼雲樹相蒙籠
市遠村徑滑一醉安得逢
分酒遣童稚擔荷喬木東
與子遙對酌日暮衰顏紅
往來吟有餘未覺吾道窮
天晴看汝詩騎驢入霜空

春遊

風沙蔽遊目久旱春蒙籠城中草青出無乃園花紅
今晨雲日好壺觴招所同出門池水淨纖鱗亂碧空
溪柳鳴布穀滿路迎飛虫散行無定步時入麥畦中
桃李間緋素因嗟造化工先子昔南歸角巾對隣翁
手植數竿竹繞舍成寒蕘揮酒澆竹根再拜來清風
瘡痍日未已城巷生蒿蓬我園適無虞嘉會復難逢
頻來無早暮塵世俱匆匆

昔在

昔在癸未秋初與燕市別先公隱閒暑清風灑水鏡

聊山集

卷之一 五言古

七

維時疫癘興往往衢巷絕城門隘廣柳鬼聲晝鳴咽
予病難久羈欲歸憂懷惓惓懣懣膝下不謂成永訣
龍去海波枯山摧良木折白水明素心遠映靈均節
偷生息隴畝荷鋤安寒劣重來踰十年出入非昔轍
舊宅餘頽垣縱橫亂行列孰是攀髯地流涕尋碧血
有皇白日昏居人難問說笳鳴牧馬歸縉塵帶飛雪
孤燈蕭寺中夜半聞啼鴉

酬魏都諫石生

田園去百里早歲知名久空抱遠遊心垂釣依沙柳

聊山集

卷之一 五言古

七

功成憶赤松來尋窮谷叟

久雪饑凍楊學士猶龍遣致酒脯

不知天早暮兩度鄰雞鳴前雪昨正消樓瓦漫復平
僧厨凍無煙懶拙昧經營因憶去年雪有酒兄弟傾
風簾破竹爐暖腹白粳美尚謂爾時寒去家方悟難
古屋四面風飢臥不及餐近市酒易求金盡難爲懽
欲訪平昔遊出畏衣裳單楊公古達人博愛念疇昔
東甌變玉瓶題書慰羈客執酒淚闌干再拜對來役
想君作書時代灑窮途泣酒酌有盡時此意終無斂